

# Mātātuhi #5



# Ngā Taputapu




- He kāri mārō
- He pātara waipia
- He papanga kakano
- He hanga nō te taiao
- He waituhi
- He rākau ahiparaka
- He rango
- He pepa
- He puka terewhōno, he niupepa rānei

# Mātātuhi 5

## He hoki whakamuri ki ngā akoranga 1-4

1. Tuhia he pikitia he māka rānei ki te kāri mārō, kia matapōkere te haere rānei:
  - arā, he iraira, he rārangi kōpikopiko, he rārangi torotika, he rārangi tōrino, he koru, he ānau, he aha atu rānei ngā momo māka.
2. Whāia aua tuhinga, aua māka me te waipia.
3. Ki tētahi atu kāri whakapirihia he hanga papanga kakano kia puta he pikitia, he hanganga auaha rānei.
4. Waiho ki tahaki kia maroke haere.
5. Kia maroke ngā kāri e rua horahia katoatia te waituhi tae tuatahi ki te hanganga tuatahi ka mātātuhi ai ki te pepa.
6. Horahia katoatia te waituhi tae tuarua ki te hanganga tuarua.
7. Āta whakatakotohia te kāri tuarua ki runga i te wāhi o te pepa i mātātuhia.
8. Āta wetekina te pepa. Ānana!



# Mātātuhi 5

9. Ki tō mahi mātātuhi tuarua, horahia katoatia te waituhi tae tuatahi ki ētahi hanga nō te taiao.

10. Mātātuhia ki te pepa.

11. I tēnei taurira, i whakaahuatia he maunga ki te papanga kakano heoi anō, kei a koe te tikanga mō āu mahi.

12. Whakaritea te waituhi ki te hanganga papanga kakano ka mātātuhi atu ai ki tō mahi toi tuarua pēnei i te taurira nei.

13. Āta wetekina atu ka tā anō ai kia taunga ki ō karu te hanga o tāu mahi.

14. Hei whakaoti i te mahi, i pīrorihia ngā rango whai waituhi ki te pae o te pepa anō he whakaahua taiao, ā, he pae maunga kei tawhiti, he taone kei tata, he rākau kei waenganui.

